

Ninsaal yel-segdi noy gānegr sebre (yūumd 1948)

Keoogre

B wilgame tı ninsaal buud fāa tara a burkīndlim la a yel-segdi tōod sēn pa yud a to, tı b pa tōen n dık tōod-bāmb n koos bı n tek a badawā, n yaa dūni wā bāan gāaga, ned fāa sēn so a vum tı yembd kaala, la wēg-taab kaalem dūni wā pūgē yēgrā.

B wilgame tı ninsaal sēn da tog ne yel-segdi ninsā kaalmā waa ne bi-beelem la pāng buud toor-toor sēn sām dūni wā zāng sūuri, la b yākamen moon tı dūni ning sēn na n wa zīnd-a tı ninsaalbā na n wa so b mense, n tōe n gom b sēn date, n tē b sēn date, n wa yi rabeem, yaeesg la far buudā fāa pūgē wā, n yaa ninsaal sēn baood ne a sūur fāa n yudā.

Tı sēn yud fāa yaa tı ninsaal yel-segdi wā tog n paamame tı b koglg-b ne noy buud sēn na yıl tı ned ra wa bao a sēn na maan n pōs pān-wōrdem b sēn maand-a n kong n wēneg n kē wēnem maan n lebs pūgē wā.

D sēn mi tı segdame tı d keng tēms ne taab zood yōkr zīndgrā.

D sēn mi tı nasōzini (tēmsā fāa lagem-n-taar kāsengā) le mooname n wilg b tēeb ninsaal burkīndlem la a tırlēm pānga, pag la rao yel-segdi sēn zem taabā, tı b le wilgame tı b ratame n mao n paas ninsaalbā vum sōmblem tı yı ned fāa sēn so a meng vumē wā tı yel kāng pāng yug a pīndā.

D sēn mi tı tēms nins sēn be nasōzini lagem-n-taarā pūgē lagma ne lagem-n-taarā n nk sard n na n sōng tı dūni wā pūgē bı ned fāa tū ninsaalb yelsegdi wā sēn gāneg noy ninsā.

D sēn mi tı ninsaal yel-segdi noy bāmba gānegr sā n yı lagem-n-taarā ne a kēedbā n na n naag taab n maan-b n na n sōng tı b tūubā yı sōma wā.

Pipi koēega.

Ninsaalbā fāa sā n doge, ned fāa so a menga, ned pa rogd n yaa yamb ye, nebā fāa zema taab b yel-segdi la b burkīndlem wēngē. Nebā fāa tara yam la tagsgo, ned fāa togame n vund ne a to saam-biir pūgē.

Koēeg a 2 soaba.

Ned fāa tara sor n tōe n dı seb-kānga sēn gāneg noy ninsā yōodo tı bakr buud ka zīnd ye, pa tūus f sēn yaa buud ning ye, f yīng kōbg sēn ya-a soab ye, f yaa pag bı rao ye, f wēnd-sor sēn ya-a soab ye, f sēn yāk n tik politik ninga, bı tēeb buud a to ye, f tareem sēn ya-a soab ye, f sēn dog ne b rāmb ye, bı būmd buud a taab sēn bakd ye.

Sēn paasde, pa tōe n tik ned tēng politik neng sēn ya-a soab n bak a soab noy-bāmbā yōod rub wēngē ye, pa tūus tēngā sā n so a menga bı a sā n be zamaan a to yembdē.

Koēeg a 3 soaba.

Ned buud fāa tara sor n tōe n vunde, n soog a menga la a gūnug a menga.

Koēeg a 4 soaba.

Pa tog n dık ninsaal buudā fāa n maan yamb ye bı n weoog-a ye. Yembdā ne nebā koosgā gıdgame, ba sēn wa n ya yembd buud nin fāa.

Koēeg a 5 soaba.

Pa tog n sibg ninsaal buudã fãa ye, pa tog n sibg ninsaal tı sibgrã yı toog wɔsgo, tı pa sɛn na maan ninsaal ye.

Koɛɛg a 6 soaba.

Ned fãa tara sor tı sɛn wa n ya sũg ning fãa, bı b sak n deeg a sɛn yaa ned ning buud bɔ-kaoor soog taoore.

Koɛɛg a 7 soaba.

Ninsaalbã fãa zema taab laloa taoore, b fãa tog n paama laloa wã koglgı tı bakr ba a ye pa zĩnd ye. Nebã fãa tara sor n tõe n paam tı b koglg-b ne bakr buud fãa sɛn na n wa maan n kus seb-kãnga noy wã sɛn gãnegã, ne bũmb nins sɛn na n wa ne bakr-bãmba.

Koɛɛg a 8 soaba.

Ned buud fãa tara sor n tõe n kɛng a tɛngɛ bɔɔd soog taoore n tı bɔ ne weoogre, sibgr buud fãa b sɛn maan-a, tı ninsaalb yel-segdi sebrã gıdge, tı laloa mi tiiri.

Koɛɛg a 9 soaba.

Pa tar sor n tõe n yõk ned zaalem, n pag-a roogo bı n yiis-a a tɛngɛ n tı ning zĩg a to tı laloa zı tiir ye.

Koɛɛg 10 soaba.

Ned buud fãa tara sor wa laloa sɛn wilgã, t'a yell ta bɔ-kaoodb sɛn so bɔɔdã, n tõe n kao tı pãn-dãmb ka lob b toogo, la sɛn bɔɔd sıd taoore, tı b bɔ nin-buiid taoore n wilg a yel-segdi bı a tilae-yɛla, bı n wilg b sɛn yet tı yẽnda soabã maana bũmb ningã kongr sɛn taẽ.

Koɛɛg 11 soaba.

B sã n yeel tı ned maana bɔmb sɛn kis n dat n paalg-a, sã n pa b wa n bɔ-a lame tı bɔɔdã yı neb fãa taoore, t'a paam sõangd sɛn mams n paas a poorẽ fãa, ket n ya wa yẽnda soabã pa maan bũmbã ye.

B pa tõe n bɔ ned n paalg-a bũmb a sɛn maan bı a sɛn pa maan yĩnga, sã n mikame tı yellã sɛn maanã wakato, bɔɔd soog nengɛ yel bãmba ra pa kis ye. Sɛn paasd me, b sã n bɔ yellã, b pa tar sor n tõe n kõ nedning sɛn maan-a yellã sibgre tı yug yellã sɛn maanã sasa laloa sɛn da gãneg sibgr buud nins yel-bãmb wɛngɛ wã ye.

Koɛɛg 12 soaba.

[Missing]

Koɛɛg 13 soaba.

Ned buud fãa tara sor n tõe n gõ a tɛngɛ, n kɛng zĩis nins fãa a sɛn date, la a yãk a sɛn dat n zĩndẽ.

Ned buud fãa tara sor n tõe n yi tɛngɛ n lebg n wa a meng tɛngɛ, a le tara sor n tõe n yi a meng tɛngɛ n kɛng tɛn-taaga la a le lebg n wa a tɛngɛ.

Koɛɛg 14 soaba.

Ned sã n wa be toog zug tɛngɛ tı b namsd-a wɔsgo, a soab tara sor n tõe n yi n bao gãag-

sobend tēms a taabē, a le tara sor n tōe n paam tı b reeg-a tēn-bāmbē.

La sã n mikame t' a sēn maanã, laloa gıdgame tı b mik tı yaa sıda, bı sã n mikame t' a sēn maanã pa zems ne nasōzini (tēmsã lagem-n-taar kāsengã) sēn gāneg noy ninsã, a pa tar sor-kāng ye.

Koεεg 15 soaba.

Ned buud fãa tara sor n tōe n paam tēng-n-biilim tika.

B pa tar sor n tōe n wōr ned n menes a tēng-n-biilim ye, b le pa tōe n gıdg-a t' a ra teem a tēng-n-biilim ye.

Koεεg 16 soaba.

Pag ne rao yũmd sã n ta kãadem b tara sor n tōe n kē kãadem la b tilg yir tı pa tũus b yiibã buud sēn ya-b rãmba, b tēng-n-biilim bı b wēnd sor tũudum. Kãadmã kēesg noy pũgē, b yiibã yel-segdi yaa a ye, pa yud to ye, kãadmã vum wakato la a kaoob wakat me b yel-segdi wã ya a ye.

Kãadem pa tōe n kēes tı pa tũ ne kãad-ratbã sakr sēn pa tũ ne modgr ye.

Zak yaa tēng yēgre (tēng bōn-bulli). A yaa tēng vum sũuri. Tēngã neb togame n koglg-a, goosneerã (leta wã) togame n koglg-a.

Koεεg 17 soaba.

Ned buud fãa, f ya f ye bı f bee sull pœga, tara sor n so a bũmbu.

B pa tōe n wōr ned n deeg a sēn so ye.

Koεεg 18 soaba.

Ned fãa tara sor n tōe n tags a sēn date, n bũgs a sēn date la a tũ wēnd-sor ninga a sēn date. Sor-kāng a sēn tarã wēngē a tōeeme n teem wēnd-sor n tũ bı n teem tēebo a le tōeeme n wilg a wēnd-sor bı a tēebo ne kaorengo, maana maanego tı yı yēnda a ye bı n naag ne a taaba tı yı neb sũka bı bāmb bal ne taaba.

Koεεg 19 soaba.

Ned buud fãa tara sor n tōe n tē a sēn date la a gom a sēn date, rēnda n kıt tı ned pa tog n zoe rabeem ne a tēeb wilgri, la a tar sor n tōe n bao n bāng kibay la a paam kibay n tall-b n piuug zĩng fãa n pa ges tēmsã tods ye, tı yı ne rabay buud fãa a sēn date.

Koεεg 20 soaba.

Ned buud fãa tara sor n tōe n paam n maan tigsga la lagem-n-taar sull sēn pa tar yela (sēn pa na n wa ne gudgri).

B pa tōe n modg ned ab a ye t' a kē lagem-n-taar pũgē ye.

Koεεg 21 soaba.

Ned buud fãa tara sor n tōe n ning a toog a tēng vum tũmē, a tōeeme n maan tũmd a toore bı tũ ne neb b sēn yāk tı b let lagem-n-taara sull n tũmdē, tı nin-bāmb yākra yaa sēn maan tı pa tũ ne modgr ye.

Nin-buiidã sên dat bũmb ninga la têngã zâab tʊʊm tikda.

Nin-buiidã raabã wilgr tog n tũu ne vot sên na n maan tɪ zãmb ka zĩnd ye, votã me tara wakat sōor n tog n le maane, votã tōeeme n maan tɪ yɪ nin-buiid vote, bɪ gʊls n vot buud a to sên wënd wa bãmba sên maand tɪ ned fãa tōe n yāk a sên dat-a soaba.

Koɛɛg 22 soaba.

Ne buud fãa, a sên yaa nin-buiidã ned a ye wã yĩnga, a toga ne ninsaalb yel gesg soogã sōngre. Sōngrã yaa arzeka, vum sōmblem la rog-n-mik wɛɛngɛ sên yaa tɪlae ne ninsaal burkĩnd la a tɪrlem baoobo, a mengã yidgr yĩnga, sên na n tũ ne tênga meng tʊʊmde n paas tẽms ne taab lagem-n-tʊʊm pãng tɪ zems ne têng fãa tʊʊm yōgeng sên ya to-to la a laog sên zem tɛka.

Koɛɛg 23 soaba.

Ned buud fãa tara sor n tōe n paam tʊʊmde, n tōe n yāk a sên dat tʊʊmd ninga tɪ tũ ne tʊʊmdã kũun sên na n maan tɪ wɛgb pa zĩnd ye, la b koglg-a ne tʊʊmã kaalem.

Nebã fãa tog n paama yaood sên zems ne b sên maan tʊʊmd ningã tɪ wɛgb ka ye.

Ned ning fãa sên tʊʊmd-a toga ne yaood sên zems a sên maane, ti sên paamdã sek yẽnda ne a zak rãmb vum tɪ yɪ burkĩnd pʊgɛ, tɪ sã n mik tɪ segdame; bɪ a paam tɪ b paas-a sōngr buud a taaba.

Ned buud fãa tara soor n tōe n naag neb a taaba n lulg sêndika sulli (tʊʊntʊʊmdb sōngr sulli) sên na kogend tʊʊntʊʊmdbã nafo.

Koɛɛg 24 soaba.

Ned buud fãa tara sor n tōe n paam vʊʊsem la yō-noogre, bũmb zãng la tʊʊmã wakat sōor tɛk wilgri n paas vʊʊsem. Vʊʊsmã geendame n tar wakat-wakato, vʊʊsmã sasa b tog n yaoa a soaba.

Koɛɛg 25 soaba.

Ned buud fãa tara sor n tōe n paam tarem sên na n sek a meng la a zak rãmb laafi la b vum sōmblem baoobo, bũmb zãng la rubã wɛɛngɛ, yeelgrã (futã), zĩ-gãadgã, tɪbsgã n paas vumã sōmblem baoob tʊʊm nins sên segd-b ne yẽ wã. A sã n wa pa tar tʊʊmde, a sã n wa bẽedɛ, a sã n wa lebg kamsa, a sã n wa lebg pʊg-kōore bɪ ra-kōore, a sã n wa kʊʊle bɪ bũmb buud a taab sã n wa kit t' a pa le tōe n dilg la a ges a meng yelle, tɪ yaool n pa tũ ne yẽnda a maan tɪ yellã paam-a, a togame n paam sōngre.

Biig pʊg sasa la a yãadem wakato, a tara sor n tōe n paam sōngre la koglg. Kamba fãa, f roga kãadem pʊgɛ tɪ b rogame tɪ b ba rãmbã pa kɛ kãadem ne taaba, b fãa segda ne sōngre.

Koɛɛg 26 soaba.

Ned buud fãa tara sor n tōe n paam kaorengo. Kaorengã tog n yu zaalem, ba tɪ na yɪ yãadmɛ kaorengã (kaoren-singã). Yaa tɪlae tɪ kambã paam kaoren-singã. Tʊʊm-minim la nus tʊʊm zãmsg kaorengã togame n piuugi. Karen-do bɛdã kaorengã tog n maaname tɪ neb nins fãa bãngr sên sek be taabã paam n kɛ tɪ zãmb pa zĩnd ye.

Kaorengã sên tog n gɛeg bũmb nins yaa ninsaal mengã yidgri la ninsaal yel-segdɪ noy sebrã tũub pãng paasgo. Kaorengã togame n sōng tɪ tẽmsã ne taab wʊʊm taab moore, buudã

toor-toorã bɪ wënd-sor tũudum toay-toayã wɔm taab moore, tɪ sull fãa sak a to sɛn yala la b yõg taab zoodo. A togame yasa n sõng tɪ nasõzini (tẽmsã ne taab lagem-n-tay kãsengã) tɔwma kɛng taoore, sɛn na yil ti bãana gãand dũni wã pɔgẽ.

Ba rãmbã n yaa pipi n tar sor n tõe n yãk wubr ning buud (kareng ning buud) bãmb sɛn dat tɪ b kambã paame.

Koɛɛg 27 soaba.

Ned buud fãa tara sor n tõe n ning a meng nin-buiidã rog-n-mik sull tɔwẽ (vumẽ), n rɪ tɔwminmã bãngr yõodo la a naag n tɔm bãngrã baoob tɔwẽ wã la a paam n dɪ tɔw bãmba sɛn wat ne yõod ninsi.

Ned fãa tara sor n tõe tɪ b koglg a bãngr yõodo la a bãngr teedo, tɪ yaa sebr la a gɔls yã, bɪ yaa te-naands la a maan yã.

Koɛɛg 28 soaba.

Ned buud fãa tara sor n tõe n dat tɪ bãan zĩnd nebã ne taab sɔk tẽnsẽ wã, la tẽnsã ne taab sɔka, tɪ seb kãnga sɛn wilg yel-segdi ninsã tõog n paam n yɪ sɪda

Koɛɛg 29 soaba.

Ninsaal tara tilae-tɔw ne a neba (a nin-buiidu), bala a mengã yidgr pa tõe n maan tɪ pa yɪ na a nebã pɔgẽ vum ye.

Ned yel-segdi tũub pɔgẽ, la a sɛn tar sor n tõe n maan a sɛn datã wɛngã, ned fãa toaag sɛn tekẽ yaa laloa sɛn wilg bãmb ninsa, sɛn na yɪl n sõng tɪ ned fãa bãng a to yel-segdi la a sɛn tar sor n tõe n maan a yam. Sɛn paasd me, yaa sɛn na yɪl tɪ b tõog n tũ ninsaal vum sɔmblem noy wã, ninbuiidã vum noy wã tũubu la nebã fãa vum sɔmblem baoobo, sã n yaa tẽng zãab buud ning sɛn ya nin-buiid naam n zãad-a wã.

Yel-segdi bãmbã la maan-m-yam bãmbã pa tõe n dɪk n maan tɪ pa yɪ wa nasõzini sɛn gãneg noy ninsã sɛn datã ye.

Koɛɛg 30 soaba.

Seb-kãngã gomd ba a ye pa tõe n wa rɪk t' a yɪ wa tẽng a ye, goosneer a ye bɪ ned a ye yell ye, t' a soab tik rẽnda n dat n maan bãmb sɛn na yɪl n sãam yel-segdi la maan-m-yam nins sebrã sɛn gomd-b rãmb yellã ye.